



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1648

§. 9. In Sabaudiâ.

urn:nbn:de:hbz:466:1-13147

te situm, qui duobus mensibus intestibus fragoribus personuit, tandem desiliit in Rhodanum, tantâ cum ruinâ, ut fluuij alueum obturaret, isque Ianobam Geneue, usque retrocederet. *Greg. Turonens. lib. 4. cap. 31.*

In Segusianis (*le pays de Forest*) amnis modicus fluit Furanso-nius dictus, vulgo Chenenalet, cuius aqua indusia, & linteum sine sapone perfectissimè mundat. *Papyrius Massonus.*

Ad castrum S. Bonitij, S. Bonet le Chasteau, fons ad temperandum Fuxense ferrum aptissimus, hoc enim mollius reddit primò, mox ad secundum aptissimum, quod tamen alteri ferro non praestat. *Idem Papyrius.*

Ad oppidum S. Baldomari, S. Germier, fons dictus fortis, *Fon-taine forte*, vini penuriam supplet: si enim quarta huius aquæ pars vino misceatur, nihil saporis vino deperibit; & cùm in scyphum cadit ad instar generosissimi vini lasciuit & exultat. Præterea si eâ aquâ farinam subigas intumescet ac si fermentata forer. In eâ cibi decoqui non possunt, quia hæc aqua tota igne in vapores dissipatur. Et quod mirabile magis, oppidanî eâ vtentes numquam indigent ope medicorum, suntque *marpölio*. *Idem Massonus.*

In Sabaudia.

LACVS Lemanus quamuis omnia circumposita glacie rigeant, tamen non concrescit: quidam hoc tribuunt rapiditati Rhodani qui in eum influens aquas non finit quiescere. *Massonus.*

In eundem lacum influens Rhodanus cum eo non miscet aquas, sed hospitalem tantum immittit, non maiorem euehit, quam in-tulit. *Plinii lib. 2. cap. 103.*

Apud Altam-Cumbam Monasterium Cisteriensium ingens fons oritur dictus *Mirabilis*, quâlibet horâ bis deficit, bis fluit; & cùm fluere incipit, ingenti murmure sonoque erumpit, influit autem in Burgitem lacum, *le Bourget*. *Papyrius Massonus.*

Guttur intumescere nationibus quibusdam ad radices Alpium degentibus notauit Vitruvius lib. 8. cap. 3. Quod eius interpres Philander iis maximè accidere qui vallem Maurenam incolunt, & ab Aquabella Cameriacum usque, quibus pendula gutturi struma sœpè in humerum reiicitur. Aitque se vidisse puerum intra biennium sanatum, cùm negotij cuiusdam causâ patriam relin-

ooo

quere coactus esset; quidam eius rei causam in frigus aquarum deruant, perperam; reperiuntur enim aquæ iis frigidiores, & tamen innoxiae: satius est ergo ad metalla recurrere, quæ has aquas inficiunt. *Philander in 8. lib. Vitruvij.*

In Delphinatu.

HAVD procul Vienna mons altissimus, in cuius vertice stagnum (puteum vulgus appellat) vnde tempestas omnis in his locis ori videtur. Nam in eius montis vertice procreatur nebulosa exhalatio, quæ statim futura tonitrua, aut imbres prænotet. Operata fuit hæc palus, ne quid ex eâ potâ detrimenti pecora caperent.

Massonus, & Andreas du Chesne.

Ibidem fons frigiditatis tantæ, vt bibentibus ora intumescant, manus in eo contineri nequeant. Exhaustâ aquâ non minuitur, nec augetur infusa. *Massonus in Rhodano.*

Circa Gratianopolim *Grenoble*, fons similis Epirotico faces extinguit ardentes, accendit extinctas. *S. Augustin. in Civit. Dei.*

Ibidem ad Fontem, quem Ardentem nominant, flamma emicat ex viginosâ terrâ si baculo sculpitur, tunc stramen admoue, accendetur. *Dalecampius in cap. 97. lib. 2. Plini.*

Idem fons eructat sèpè flammarum globos, suis ignibus quidquid admoueris comburentes. *Andreas du Chesne lib. 4. cap. 4. de Vrbibus.*

In Prouincia.

IN Valle-Clusâ *Paucleuse*, Fons Orgia nascitur, Plinio Orge, in quo herba nascitur bobus adeò grata, vt eam querant totis immersis capitibus, nec desistant donec suffocentur. Certum est autem illam herbam non nisi imbribus ali. *Boccatus libro de Fontibus, & Plinius lib. 18. cap. 22.*

Pons Auenionensis factus à Pastore duodenni, qui primum lapidem ipse portauit 13. pedes longum, 7. latum. *Historia Francica.*

Craudi Campi (olim Lapidei) *le Crau*, planities tota est obsita lapidibus adeò paruis, vt quilibet non impletat manum, attamen inter illos lapides plurimum herbæ crescit, hicque pecora facile saginantur. *Strabo lib. 4. & Papyrius Massonus.*

In Fano S. Maximini, vulgo *S. Maximin*, seruatur phiala vt